

ODLUKU**O KOREKCIJI REGULACIONOG PLANA "PANJINA KULA - HRASTOVI, LOKALITET BREKA"****Član 1.**

Usvaja se Korekcija Regulacionog plana "PANJINA KULA - HRASTOVI, lokalitet BREKA" ("Službene novine Kantona Sarajevo", broj 17/6) u daljem tekstu: Korekcija Plana.

Član 2.

Korekcija plana rađena je u cilju isključivanja individualnih objekata iz obuhvata predviđenog za izradu U.P.-a, na način da se objektima predviđenim za zadržavanje omogući rekonstrukcija, odnosno zamjena građevinskog fonda i dogradnja, a onima koje ruši saobraćajnica omogući zamjena građevinskog fonda u okviru zadanih građevinskih linija. Korekcijom plana se iz obuhvata U.P.-a isključuju parcele br. k.č. 1200 K.O. Sarajevo X; 1199 K.O. Sarajevo X i dio k.č. 1202 K.O. Sarajevo X. Urbanističko - tehnički uvjeti za rekonstrukciju, odnosno zamjenu građevinskog fonda objekta koji je smješten na parceli 1200 K.O. Sarajevo X i dio k.č. 1202 K.O. su sljedeći:

- Max. građevinska linija prema grafičkom prilogu: Analitička obrada građevinske i regulacione linije;
- Max. spratnost objekta S+P+2

Član 3.

Korekcija Plana sastoji se iz tekstualnog dijela i grafičkog priloga sa prikazanom parcelom koja je predmet korekcije.

Tekstualni dio i grafički prilozi korekcije Plana su sastavni dio Regulacionog plana "Panjina kula Hrastovi - lokalitet Breka" ("Službene novine Kantona Sarajevo", broj 17/06).

Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa idejnim rješenjima koja su sastavni dio Regulacionog plana "Panjina kula Hrastovi - lokalitet Breka" te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-5391/12

Općinski načelnik

16. aprila 2013. godine

Dževad Bećirević, s. r.

Objavljeno na oglasnoj ploči Općine Centar 16.04.2013. godine

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 19.04.2013. godine, verifikovao je i donio

ODLUKU**O KOREKCIJI REGULACIONOG PLANA "ZETRA"****Član 1.**

Utvrđuje se Korekcija Regulacionog plana "ZETRA" ("Službene novine Kantona Sarajevo", broj 51/12), u daljem tekstu: Korekcija Plana.

Član 2.

Korekcija Plana se vrši na parcelama: k.č. 1562; k.č. 1563; k.č. 1564, k.č. 1565 i 1558/3, sve K.O. Sarajevo VI.

Član 3.

Korekcijom Plana se:

- Koriguje (geodetska podloga detaljnog plana za katastarske parcele označene kao: k.č. 1562, k.č. 1563, k.č. 1564 i k.č. 1565, sve K.O. Sarajevo VI.
- Koriguju regulacione linije na građevinskim parcelama "SP29", "SP14" i "SR1";
- Određuju nove građevinske linije za rekonstrukciju, dogradnju, nadogradnju i zamjenu građevinskog fonda na građevinskoj za stambeno-poslovni objekat na parceli "SP29" i "SP14".

Građevinske linije za izgradnju objekata, namjena i spratnost objekta dati su na grafičkom prilogu broj 4.

Regulacione linije građevinskih parcele i građevinske linije dati su na grafičkom prilogu broj 5.

Analitička obrada podataka za građevinske parcele data je u prilogu broj 6.

Član 4.

Urbanističko-tehnički uslovi za izgradnju objekata:

Regulacione i građevinske linije parcele definisane u grafičkom prilogu broj 5, i analitičkoj obradi građevinske parcele u grafičkom prilogu broj 6.

Na parceli "SP29" maksimalna građevinska linija planiranog stambeno-poslovnog objekta iznosi 17,80 x 7,50 m. Maksimalna tlocrtna površina objekta je 134 m², a maksimalna bruto građevinska površina (BGP) objekta iznosi 268 m². Planirana spratnost objekata je prizemlje i sprat (P+1), broj podzemnih etaža nije ograničen. Građevinska linija podzemnih etaža ne smije preći regulacionu liniju parcele, i mora biti udaljena minimalno 1,50 m od granice susjednih građevinskih parcela;

"Na parceli "SP14" dana je mogućnost rekonstrukcije, dogradnje, nadogradnje i zamjene građevinskog fonda postojećih pomoćnih objekata. Izgradnje je definisana maksimalnom građevinskom linijom zamjenskog stambeno-poslovnog objekta dimenzija 17,90 x 5,30 m. Maksimalna tlocrtna površina objekta je 95 m², a maksimalna bruto građevinska površina (BGP) objekta iznosi 190 m². Planirana spratnost objekata je prizemlje i sprat (P+1);

Parkiranje i garažiranje za potrebe objekata riješiti u sklopu objekta ili na vlasničkim parcelama.

Kolski pristup obezbijediti iz Ciglanske ulice.

Član 5.

Korekcija Plana je rađena za fazu urbanizma i separat "Analitička obrada građevinskih parcela", a obaveza investitora je da za faze komunalne infrastrukture i saobraćaja izvrši usaglašavanje Korekcije Plana, te da pribavi saglasnost nadležnih javnih komunalnih preduzeća.

Član 6.

Korekcija Plana sastoji se iz tekstualnog dijela i 6 (šest) grafičkih priloga:

- Izvod iz Plana - Razmještaj, spratnost i namjena arhitektonskih objekata, R=1:1000;
- Izvod iz ažurne geodetske podloge (oktobar 2008. godine), R=1:1000;
- Korekcija Plana - Ažurna geodetska situacija predmetnog lokaliteta, stanje 2012. godine, R=1:1000;
- Korekcija Plana - Razmještaj, spratnost i namjena arhitektonskih objekata, R=1:1000;
- Korekcija Plana - Mreža regulacionih i građevinskih linija, R=1:1000;
- Korekcija Plana - Analitička obrada građevinskih parcela, R=1:1000.

Član 7.

Tekstualni dio i grafički prilozi korekcije Plana su sastavni dio Regulacionog plana "Zetra" ("Službene novine Kantona Sarajevo", broj 51/12).

Član 8.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

Član 9.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-292/13

Općinski načelnik

19. aprila 2013. godine

Dževad Bećirević, s. r.

Objavljeno na oglasnoj ploči Općine Centar Sarajevo 19.04.2013. godine

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 29.04.2013. godine, verifikovao je i donio

ODLUKU

**O KOREKCIJI REGULACIONOG PLANA
"JAGOMIR II"**

Član 1.

Utvrđuje se Korekcija Regulacionog plana "Jagomir II" ("Službene novine Kantona Sarajevo", broj 15/03), u daljem tekstu: Korekcija Plana.

Član 2.

Korekcijom Plana stvoreni su preduvjeti za gradnju stambenog ansambla, na parcelama k.č. 886, 887, 888, 889, 890 i 892 K.O. Sarajevo VI.

Novoplanirane građevinske parcele prema Regulacionom planu "Jagomir II" označene brojevima 3, 4, 5 i 14 koriguje se u

građevinske parcele označene brojevima 3 i 4. U okviru parcele 3. planiran je stambeni ansambl sa međusobno povezanim šest jedinica označenim kao 3a, 3b, 3c, 3d, 3e, 3f, spratnosti S+P+2+M gabarita 20,0 x 12,0 m, dok je na parceli 4. planiran objekat dimenzija 30,0 x 12,0 m, spratnosti S+P+2 +M.

U okviru parcele gdje 3 gdje je planiran stambeni ansambl od 6 jedinica, potrebno je kroz idejni projekat vanjskog uređenja riješiti pristupe objektima i saobraćaj u mirovanju, sagledavajući naznačenu parcelu kao cjelinu.

Mogući priključci na mrežu lokalnog saobraćaja naznačeni su na grafičkom prilogu list broj 2.

Član 3.

Korekcija Plana sastoji se iz tekstualnog dijela i 2 grafička priloga koji su predmet korekcije. Tekstualni dio i grafički prilozi korekcije Plana su sastavni dio Regulacionog plana "Jagomir II" ("Službene novine Kantona Sarajevo", broj 15/03).

Član 4.

Korekcija Plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Jagomir II", te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-3499/12

Općinski načelnik

29. aprila 2013. godine

Dževad Bećirević, s. r.

Objavljeno na oglasnoj ploči Općine Centar Sarajevo 29.04.2013. godine

OPĆINA STARI GRAD

Općinsko vijeće

Na osnovu člana 25. tačka 1. Statuta Općine Stari Grad Sarajevo ("Službene novine Kantona Sarajevo", broj 42/12 - Prečišćeni tekst i 11/13) i člana 83, 84. i 85. Poslovnika Općinskog vijeća Stari Grad Sarajevo - Prečišćeni tekst ("Službene novine Kantona Sarajevo", broj 8/13), te na osnovu Zaključka o pristupanju promjeni Statuta Općine Stari Grad Sarajevo, koji je Općinsko vijeće Stari Grad Sarajevo donijelo, na sjednici održanoj 26. februara 2013. godine.

Prečišćeni tekst Statuta Općine Stari Grad Sarajevo obuhvata:

Statut Općine Stari Grad Sarajevo - Prečišćeni tekst ("Službene novine Kantona Sarajevo" broj 42/12), Odluku o izmjenama i dopunama Statuta Općine Stari Grad Sarajevo ("Službene novine Kantona Sarajevo", broj 11/13), u kojoj je naznačen dan stupanja na snagu te odluke.

STATUT

**OPĆINE STARI GRAD SARAJEVO
(Prečišćeni tekst)**

I - OPĆE ODREDBE

Član 1.

Statutom Općine Stari Grad Sarajevo uređuju se prava i obaveze odlučivanja o interesima i potrebama građana Općine Stari Grad Sarajevo (u daljem tekstu: Općina), obim lokalne samouprave, unutrašnja struktura i nadležnosti Općine, učešće građana u lokalnoj samoupravi, finansiranje Općine, kao i druga pitanja, prava, obaveze i nadležnosti Općine.

Član 2.

Općina je dužna da, u ostvarivanju svojih zadataka, poštuje osnovna ljudska prava i temeljne slobode i da svim građanima osigura jednaka prava uz poštovanje njihovog nacionalnog, vjerskog i kulturnog identiteta.

Član 3.

U Općini će se poduzimati posebne mjere na obezbjeđenju dodatne zaštite članova porodica šehida i palih boraca, ratnih